

Pagina rumantscha

Objektyp: **Group**

Zeitschrift: **Bündner Schulblatt = Bollettino scolastico grigione = Fegl
scolastic grischun**

Band (Jahr): **65 (2003-2004)**

Heft 2: **Begabungs- und Begabtenförderung**

PDF erstellt am: **06.08.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern. Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden. Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Concurrenza litterara «La Plema e la miur d'aur 2004»

(CCM) La Renania e Romania publicheschan cheutras per la novavla gada la concurrenza litterara «La Plema d'aur». Era 2004 vegn «La miur d'aur 2004» surdada. Quella concurrenza ei aviarta a tuttas vegliadetgnas per da tuttas sorts texts e pagina d' internet romontscha. Il termin d'inoltrar scroda culs 31 da schaner 2004.

Per la novavla gada organiseschan la Renania, Romania e l'Uniuin Rumantscha da Surmir la concurrenza litterara «La Plema d'aur». La concurrenza da scriver dils onns vargai ei stada in grond success. 2003 han buca meins che 315 lavurs fatg part dalla concurrenza. Gidei era Vus a contonscher il cunfin magic da 500 lavurs. Separticipai sez ni cun Vossa classa a quei eveniment!

Igl intent dalla concurrenza ei quel dad animar Romontschas e Romontschs da sefat-

schentar cul lungatg a scret a da porscher ad els ina caschun da publicar lur texts. Ina roscha dallas bunas lavurs vegnan publicadas en differents loghens e prelegidas el radio romontsch.

Ins po inoltrar da tuttas sorts texts sco raquintaziuns, novellas, historias cuortas, schatgs, sa-tiras, poesias e teaters. Ina giuria da treis dels valetescha mintga lavur. Las meglieras lavurs vegnan distinguidas cun «**La plema d'aur 04**».

Nus tscherchein era da niev la pli biala pagina d'internet (Web Site). Il victur ni la victura da quella categoria va cun «**La miur d'aur 2004**».

Mintga lavur scretta ha da vegnir inoltrada en **treis exemplars nudai cun in pseudonim**. Ina cuviarta serrada cuntegn in cedel cun il num, prenum, l'adressa, nr. da telefon, e-

mail ed il pseudonim. Sche Vus giavischeis anavos Vossa lavur mettei tier ina cuviarta francada ed adressada a Vusezzi. Tgi che vul concurrenzar cun l'atgna pagina d' internet indichescha a nus l'adressa dalla pagina d'internet. Vossa contribuziun ei da tarmetter entochen ils 31 da schaner 2004 a

CCM

«La Plema d'aur 2004»

Casa de Mont

7031 Laax

081 921 25 60

Nus stein bugen a disposiziun per ulteriur sclariment !

Novas ediziuns

Sut quella rubrica san las casas edituras romontschas far attents lecturas e lecturs dil Fegl scolastic sin lur novas ediziuns! Fagei diever!

«Valischa d'emprender da leger per il diever en sursilvan»

Quella oreifra purschida da x giugs d'emprender da leger e capir cumpilada dallas pedagogas curativas Zita Maissen-Tuor, Lydia Vinzens-Tönz e Corina Vinzens-Loher ei vegnida reproducida en nundumbrevilas uras da lavur en 45 exemplars. L'idea ei che mintga scola sursilvana havessi silmeins in exemplar. Privats ch'empostan vegnan risguardai sunter las scolas en successiun dall'annunzia. La valischa ei da retrer dil **CCM 7031 Laax, 081 921 25 60, ccm.secretariat@rumantsch.ch** per il prezi da frs 800.00 (quei daner cuviera buca danvons il material, la lavur ei vegnida fatga per gronda part da voluntaris, il rest dils cuosts han Ligia Romontscha, Romania e Renania surpriu).

Nies Tschespet 68 (Romania 2003)

Maria Madleina, il niev tschespet ei screts en in grondius lungatg cun in cuntegn bri-

sant da Theo Candinas. Ei setracta d'ina biografia d'ina lavunza che ha viviu la vart caduca e negativa dalla veta. (Excellent!) Ei da retrer tier il CCM a 7031 Laax, Tel. 081 921 25 60, ccm.secretariat@rumantsch.ch (prezi frs. 25.00).

Aunghel, lieu, capetscha da misarocla (Romania e Renania (sursilvan), URS (surmiran) e 24 historias d'Advent eligidas da Brigitte Weninger e transladas en romontsch da Rafael ed Arno Camenisch ei bein ina dallas pli bialas ediziuns da quest onn. Quellas historias «modernas» per il temps avon Nadal ein adattadas per pign e grond, las illustraziuns fascineschan in e scadin ed ils texts ein per preleger e per leger. (Bellezia cudisch!). Prezi frs 25.00 e da retrer tier il CCM 7031 Laax, Tel. 081 921 25 60, ccm.secretariat@rumantsch.ch La versiun surmirana sa vegnir retratga da Reto Capeuder Tel. 081 684 28 11.

La Tschuetta 2004 (Renania)

Il magazin per scolars! Ina gada dapli sa ins retrer quei mied – adattaus era per la scola – dalla G. Clopath, 7016 Trin-Mulin, Tel. 081 635 15 59

Petiziun in regard al rg in scoula

La magistraglia da Samedan nu vo d'accord culla decisiun dal Grand Cusagl d'edir ils mezs d'instrucziun rumauntschs a partir dal 2005 be pü in rumantsch grischun. Perque ho ella lantscho üna petiziun, chi pretenda l'annulaziun da quista decisiun ed ün concept disferenzcho per l'introducziun dal rg in scoula, chi resguarda la rolla dals idioms, las differenzas regiunelas e l'opiniun da la populaziun.

Chi chi vuol sustgnair la petiziun, po retrer formulers tar: Scoula cümünela, secretariat, 7503 Samedan / tel: 081 851 10 10 / fax: 081 851 10 11 / e-mail: samedan@spin.ch

Agenda

8 da nov. 03

fundaziun dalla uniuin cantunala Schulbehördenverband Graubünden (SBGR) Uniuin grischuna dils Cusseglis da scola Associazione dall'autroità scolastica grigiona

19 da nov.

CGL a Müstair

20 da nov. 17^{oo} a Casti

Consferenza surmirana

26 da nov.

CGRS a Laax